

Adroddiad i'r:	Cabinet
Dyddiad y cyfarfod:	28 Hydref 2014
Aelod/Swyddog Arweiniol:	Cynghorydd David Smith, Aelod Arweiniol y Parth Cyhoeddus
Awdur yr Adroddiad:	Andy Clark, Rheolwr Uned Gwaith / Stuart Andrews, Rheolwr Caffael Strategol Dros Dro.

Teitl: Penderfyniad dyfarnu ar gyfer Cytundeb Fframwaith Contractwr Priffyrdd a Pheirianeg Sifil Sir Ddinbych (Gwaith hyd at £125 k y contract).

1. Am beth mae'r adroddiad yn sôn?

Mae'r adroddiad hwn yn manylu ar y ddarpariaeth caffael ar gyfer gwaith priffyrdd a pheirianeg sifil hyd at werth o £125 k y contract. Bydd hwn yn gytundeb fframwaith cydweithredol dan arweiniad Cyngor Sir Ddinbych, a bydd yn cynnwys Cyngor Sir y Fflint a Chyngor Bwrdeistref Sirol Conwy.

2. Beth yw'r rheswm dros lunio'r adroddiad hwn?

Mae angen penderfyniad i gymeradwyo'r defnydd o Gytundeb Fframwaith Contractwyr Priffyrdd a Pheirianeg Sifil Sir Ddinbych (Gwaith hyd at £125 k y contract). Mae'r cytundeb yn cynnwys caffael contractwyr ar gyfer gwaith priffyrdd a pheirianeg sifil ac fe'i datblygwyd gan swyddogion Cyngor Sir Ddinbych ar ran Cyngor Sir y Fflint a Chyngor Bwrdeistref Sirol Conwy. Mae'r fframwaith yn gytundeb 'yn ôl y gofyn', h.y. gyda mwy nag un darparwr, a fydd yn darparu cwmpas cynhwysfawr ar gyfer y rhan fwyaf o'r gwaith priffyrdd a pheirianeg sifil gofynnol o fewn yr Awdurdod hwn a'r Awdurdodau cyfagos sy'n cymryd rhan.

3. Beth yw'r Argymhellion?

Bod yr Aelodau'n awdurdodi swyddogion yr Awdurdod i ddefnyddio Cytundeb Fframwaith Contractwyr Priffyrdd a Pheirianeg Sifil Sir Ddinbych a ddatblygwyd yn ddiweddar (Gwaith hyd at £125 k y contract)

4. Manylion am yr adroddiad.

- 4.1 Mae Gwasanaethau Priffyrdd ac Amgylcheddol Sir Ddinbych wedi caffael contractwyr o'r blaen ar gyfer gwaith priffyrdd a pheirianeg sifil gan ddefnyddio Contract Mân Waith sydd bellach wedi dod i ben. Ers i'r contract hwn ddod i ben mae contractwyr wedi'u caffael ar sail ad hoc. Er mwyn cydymffurfio â gofynion Rheoliadau Cyfnodolyn Swyddogol yr Undeb Ewropeaidd (OJEU) a Rheolau'r Weithdrefn Contractau, bydd angen ymrwymo i gytundeb fframwaith newydd ar gyfer caffael gwaith priffyrdd a pheirianeg sifil.

4.2 O ystyried yr amgylchiadau uchod, penderfynodd Rheolwr Uned Gwaith Priffyrdd a Rheolwr Caffael Strategol Cyngor Sir Ddinbych ddatblygu'r cytundeb fframwaith i ddarparu ar gyfer cyflawni'r gwaith hwn. Cynigiwyd cyfle i gymryd rhan yn y cytundeb newydd hwn i Gyngor Sir y Fflint a Chyngor Bwrdeistref Sirol Conwy, ac fe'i derbyniwyd, yn amodol ar dderbyn dogfennau cyfrinachedd a chyfranogiad.

4.3 Bydd y prosiect hwn yn arbed amser sylweddol i swyddogion Cyngor Sir Ddinbych wrth gaffael contractwyr ar gyfer gwaith priffyrdd a pheirianeg sifil ac yn sicrhau gwerth am arian mwyaf posibl.

4.4 Mae'r broses bellach wedi dod i gasgliad boddhaol, ac felly mae swyddogion yn gofyn am ganiatâd i ddefnyddio'r cytundeb fframwaith newydd. Mae Rheoliad Ariannol CPR 7.3 yn datgan: "Bydd y defnydd o unrhyw Gytundeb Fframwaith sy'n deillio o gaffael ar y cyd ag awdurdodau lleol eraill neu gyfrff cyhoeddus yn cael eu cymeradwyo gan y Prif Swyddog Cyllid (Swyddog Caffael Strategol) cyn gosod gorchymyn dan y Cytundeb". Mae'r rhestr o contractwyr llwyddiannus wedi ei chynnwys yn Atodiad 1 sydd ynghlwm.

5. Sut mae'r penderfyniad yn cyfrannu at y Blaenoriaethau Corfforaethol?

5.1 Mae'r cytundeb hwn yn golygu partneriaeth gydweithredol gydag Awdurdodau cyfagos a bydd yn darparu'r cwmpas ar gyfer caffael mwy cost effeithiol er mwyn sicrhau arbedion maint ac arbedion effeithlonrwydd.

6. Beth fydd yn ei gostio a sut bydd yn effeithiol ar wasanaethau eraill?

6.1 Mae arbedion cost yn anodd eu rhagweld, ond rhagwelir arbed costau gan y bydd peirianwyr sy'n defnyddio'r fframwaith yn lleihau eu hamser yn fawr wrth gael contractwyr cymeradwy i wneud y mathau hyn o waith a byddant hefyd yn gallu asesu costau rhagamcanol ar gyfer contractau unigol yn fwy cywir.

6.2 Mae'r Fframwaith hefyd ar gael i Adrannau eraill megis ysgolion, Gwasanaethau Eiddo a Thai ac Adnewyddu Ardaloedd i gaffael gwaith peirianeg sifil drwy ddefnyddio contractwyr cymeradwy.

7. Beth yw prif gasgliadau'r Asesiad o Effaith ar Gydraddoldeb a gwblhawyd ar gyfer y penderfyniad? Dylid atodi Asesiad o Effaith ar Gydraddoldeb wedi ei gwblhau fel atodiad i'r adroddiad hwn.

7.1 Bydd mabwysiadu'r cytundeb fframwaith yn cael effaith niwtral ar nodweddion gwarchoddedig.

7.2 Mae'r asesiad o effaith ar gydraddoldeb wedi ei atodi wrth yr adroddiad hwn yn Atodiad 2

8. Pa ymgynghoriadau a gynhaliwyd gyda'r Pwyllgorau Archwilio ac eraill?

- 8.1 Gwnaeth Rheolwr Uned Gwaith a Rheolwr Caffael Strategol Cyngor Sir Ddinbych ymgynghori â'u cymheiriaid yng Nghyngor Sir y Fflint a Chyngor Bwrdeistref Sirol Conwy.
- 8.2 Roedd y broses yn cael ei rheoli a'i harwain gan Rheolwr Uned Gwaith a Rheolwr Caffael Strategol Cyngor Sir Ddinbych. Arweiniodd hyn at sefydlu gweithgor cyfunol sy'n cynnwys peirianwyr a swyddogion caffael i fonitro a gwerthuso cynnydd y cytundeb yn ystod pob cam o'r broses, gan sicrhau'r canlyniad gorau posibl ar gyfer yr holl awdurdodau sy'n cymryd rhan. Bydd y grŵp hwn yn parhau i gyfarfod yn chwarterol i fonitro a gwerthuso cynnydd y cytundeb.
- 8.3 Ymgynghorwyd â Busnes Cymru i hyrwyddo'r Cyfle Fframwaith i contractwyr lleol, sydd yn unol â Datganiad Polisi Caffael Cymru.

9. Datganiad y Prif Swyddog Cyllid

Mae'r bwriad yn unol â Rheolau'r Weithdrefn Contractau'r Cyngor. Mae gan y defnydd o gytundebau fframwaith y potensial i sicrhau arbedion caffael ar gyfer yr Awdurdod gan sicrhau y cydymffurfir â rheoliadau ariannol a Cyfnodolyn Swyddogol yr Undeb Ewropeaidd.

10. Pa risgiau sydd, ac a oes unrhyw beth y gallwn ei wneud i'w lleihau?

Bydd y cytundeb fframwaith hwn yn lleihau'r risg o gynnydd mewn prisiau yn y dyfodol wrth ddarparu dull caffael cynhwysfawr, safonol ar gyfer gwaith priffyrdd a pheirianeg sifil.

11. Pŵer i wneud y Penderfyniad

10.1 Adran 111 Deddf Llywodraeth Leol 1972 a Chymalau 7.3 a 25.4(c) Rheolau'r Weithdrefn Contractau.

Atodiad 1

**Cyngor Sir Ddinbych.
Gwasanaethau Priffyrdd ac Amgylcheddol.**

**Cytundeb Fframwaith Contractwyr Priffyrdd a Pheirianeg Sifil Sir Ddinbych
(Gwaith hyd at £ 125 k y contract).**

CONTRACTWYR LLWYDDIANNUS.

Contractwr	Cyfeiriad y cwmni
A .Parry Construction Co. Ltd.	Pleasant View, Bodfari, Dinbych, Sir Ddinbych. LL16 4DY
Alun Griffiths (Contractwyr) Cyf	Waterways, Merthyr Road, Llan-ffwyst, Y Fenni, Sir Fynwy. NP7 9PE
Dawnus Construction Holdings Ltd.	Uned 7, Dyffryn Court, Parc Busnes Riverside, Abertawe, SA7 0AP
E. Jones a'i Fab.	Bronallt, Clawddnewydd, Rhuthun, Sir Ddinbych. LL15 2NA
G.H. James Cyf, Hogan Construction Ltd	Adeiladau Utica, Trawsfynydd, Gwynedd, LL41 4DU Swyddfa Drome, Gwalchmai, Caergybi, Ynys Môn. LL65 4RW
Jones Bros, Ruthin (Civil Engineering) Co. Ltd.	Swyddfa Rhanbarth y De, Ystafell 4 Swyddfa'r De, Canolfan Dylan Thomas, 1 Somerset Place, Abertawe. SA1 1RR
K.M. Construction (NW) Ltd.	Ffordd Dinbych Isaf, Llanelwy, Sir Ddinbych. LL17 0EL
Lawson Civil Engineering and Utilities Ltd.	Adeiladau Fferm Graig, Ffordd y Graig, Dinbych, Sir Ddinbych. LL16 5US
G.H. Lewis and Sons Ltd.	Uned 1 Parc Busnes Lôn Parcwr, Rhuthun, Sir Ddinbych. LL15 1LY
M.W.T. Civil Engineering Ltd.	Oriel house, Tan-Y-Graig Road, Llysfaen, Bae Colwyn, Conwy. LL29 8UA
Peirianeg Sifil Gelli Civil Engineering Ltd.	Y Wern, Llanfrothen, Penrhyndeudraeth, Gwynedd, LL48 6LX